

Feinga ki he Palanite Mā'así

Na'e 'i ai ha misiona 'a Mīseli. Pea na'e kamata kotoa ia 'i he akó.

Fai 'e Lucy Stevenson Ewell
(Makatu'unga 'i ha talanoa mo'oni)



Na'e hoko 'a e talanoa ko 'enī 'i he 'Iunaiteti Siteiti 'o 'Ameliká.

Na'e tata 'e Mīseli 'a e patetá ki he 'ene peletí. Na 'á ne sio takai he tēpilé ki hono fāmilí. Ko e si'i taha ia 'i ha fānau 'e toko 10, pea ko honau ni'ihi na'e 'i he 'univēsiti he taimí ni. Na 'á ne sai'ia ke fanongo ki he 'enau talanoa fekau'aki mo e me'a ne nau akó.

Na'e fehu'i ange 'e hono tuonga 'ané "Ko e hā 'okú ke fie ako 'i ho 'o 'alu ki he 'univēsiti?" Na 'á ne ako ke hoko ko ha 'enisinia.

Na'e pehē ange 'e Mīseli, "Okú te 'eki ai ke u 'ilo 'i lelei."

Na 'á ne talaange, "Te ke lava pē mo koe 'o hoko ko ha 'enisinia. "Okú ke fu'u poto 'aupito."

Na'e sai'ia 'a Mīseli 'i he fakakaukau ko iá. Na 'á ne sai'ia 'i he fiká mo e saienisí. Pea na'e toe sai pē foki 'a Mīseli ia ai. Na 'á ne 'ilo 'i na'e finangalo 'a e 'Otuá ke ne ako. Pea na 'á ne 'ilo 'i te Ne tokoni 'i ia.

'I he faka'au ke matu'otu'a ange 'a Mīseli, na 'á ne hū ki he 'univēsiti ke hoko ko ha 'enisinia. Na 'á ne ngāue mālohi ke ako. Na'e faingata 'a ha ngaahi kalasi 'e ni'ihi. Ka na'e 'ikai pē teitei fo 'i 'a Mīseli.

Lolotonga 'ene 'i he 'univēsiti, na 'á ne vahevahe 'a e ongoongolelei mo hono kaungāako ko Sione. Na 'á na mali kimui ange 'i he temipalé. Na'e 'osi 'a Mīseli pea ma'u mo hono mata 'itohi M.A. Na 'á ne hoko ko ha fa'ē. Na 'á ne ma'u 'a e ngāue na 'á ne faka 'ānaua ki ai ke tokoni ke hopoki ha ngaahi

lōketi ke nau savea 'i 'a e vavaá! Na 'á ne hoko ko ha taki pea fokotu'utu'u ha ngaahi ngāue ma 'a 'ene timí.

'I ha 'aho 'e taha na'e kole ange 'e he pule 'o Mīseli ke ne ngāue 'i ha ngāue makehe. Te ne tokoni ke fa'u ha lōpati 'oku ui ko e rover (tokotaha fononga) ke 'ave ki Mā'asi. Na'e fiefia 'a Mīseli! Na'e lau māhina 'ene fa'u ha ngaahi fokotu'utu'u fo'ou mo fakalele ha ngaahi sivi.

Ka 'i he hili e ngāue 'a Mīseli 'i he rover 'o Mā'asi 'i ha meimei ta'u 'e tahá, na 'á ne ma'u mo hono husepāniti ha telefoni vitiō mahu'inga. Ko Palesiteni Heneli B. 'Aealingi. Na'e pehē 'e Palesiteni 'Aealingi, "Okú mau fie fakaafe 'i kimoua ke mo hoko ko ha taki fakamisiona. Te mo tali 'a e uiui 'i ko 'enī?"

Na'e fesiofaki 'a Mīseli mo Sione. 'I he 'ena ngāue fakafaifekau kuo pau ai ke tuku ange 'e Mīseli 'ene ngāue na'e faka 'ānaua ki ai. Te ne lí'aki hono hopoki 'o e rover 'o Mā'asi! Ka na 'á ne 'ilo 'i na'e mahu'inga ange 'a e ngāue ma 'á e 'Eiki. 'I he taimi na'e papitaiso ai iá, na 'á ne palōmesi te ne fai ha me'a pē te Ne kole ange.

Na 'á ne tali ange, "Io." Na'e kamokamo pē hono husepāniti. "Te ma ngāue."

Hili ha ngaahi uike si'i mei he kamata ngāue faka-faifekau 'a Mīseli mo Sioné, na'e puna ha fo 'i lōketi na'e 'i ai 'a e rover 'o Mā'asi. Na'e 'ikai ke sio ki ai 'a Mīseli. Na 'á ne fai ha ngaahi me'a mahu'inga kehe. Na 'á ne vahevahe 'a e ongoongolelei mo tokoni 'i 'a e kau faifekau 'i honau misioná. Na 'á ne tui ha pine hingoa lanu 'uli'uli he 'aho kotoa pē na'e tohi ai "Sisitā 'Āmosi," mo e huafa 'o e Fakamo 'ui 'i lalo.

Hili ha māhina 'e fitu, na'e faifai pea a'u ki Mā'asi 'a e fo 'i lōketi 'a ia na'e 'i ai 'a e rover— 'oku maile 'e 100 miliona tupu (km 'e 160 miliona) hono mama 'ó. Na'e ma'u 'e Sisitā 'Āmosi ha ngofua ke mamata 'i he 'ene tū 'utá 'i he 'initaneti. Na 'á ne fakaafe 'i 'enau kau faifekau ke nau mamata foki mo kinautolu.

Na'e manavasi 'i 'a Sisitā 'Āmosi. Na 'á ne ngāue mālohi mo ha ni'ihi kehe tokolahi 'i he ngāue ko 'enī! 'E tū 'uta lelei nai 'a e rover?

'Io, na'e hoko ia! Na'e fiefia kotoa 'a e kau faifekau. Na'e vahevahe leva 'e Sisitā 'Āmosi 'ene fakamo 'oní. Na 'á ne pehē, "Na'e fakatupu 'e Sisū Kalaisi ha ngaahi māmani 'oku 'ikai hano ngata 'anga. Na 'á Ne ngaohi 'a e ngaahi fetu'ú, 'a e ngaahi palanité, pea mo e 'univēsí kotoa. 'Okú Ne finangalo ke tau ako, tupulaki, mo faka 'aonga 'i hotau ngaahi talēniti ki he lelei."

NGAHI'ĪTA FAKATĪTA 'A ALVISA TALLENT

Na 'á ne malimali leva. Na 'á ne hounga 'ia 'i he ngaahi founga na'e tataki ai ia 'e he 'Otuá lolotonga 'ene mo 'uí. Pea na 'á ne hounga 'ia ke hoko ko ha faifekau— 'o vahevahe 'Ene 'ofa fakaofó. ●



Na'e tataki 'e he Tamai Hēvaní 'a Mīseli 'i he 'ene mo'uí. 'Okú Ne tataki fēfee'i nai koe?